



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 19/08/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Sozialversécherung weiderzeleeden.

Den 10te Juni 2020 huet *McKinsey* zesumme mat *Google* een Diskussiounspabéier publizéiert mam Titel "The future of work in Europe", deen op Basis vun den NUTS-3 Regiounen den Aarbechtsmaart analyséiert. Lëtzebuerg gouf am Kader vun dësem Rapport als en "Superstar Hub" klassifizéiert a kéint vun engem Wuesstemspotential vun 13,7% neien Aarbechtsplazen tëscht 2018 an 2030 ausgoen.

Am Gesetzesprojet n° 6387 hat d'Regierung deemools virausgesot, datt, fir eise Pensiounssystem ze stabiliséieren, den Emploi all Joer ëm 1,5% misst klammen. De Rapport vu *McKinsey* geet elo awer just vun 1,14% pro Joer aus an dat ouni den Impakt vun der Corona-Kris ze bezifferen. Trotzdeem soen seng Auteuren, datt op den Horizont 2030 d'Projektiounen trotz der Kris misste stëmmen.

An deem Zesammenhang wéilt ech dem Minister dës Froe stellen:

1. Wéi een Impakt op de Pensiounssystem hätt eng Croissance Moyenne vun 1,14% amplaz 1,5% während deenen nächsten zéng Joer?
2. Am Rapport vum *Groupe de Travail Pensions* vum 16te Mee 2018 gouf geschriwwen, datt, fir en Equiliber vun der Pensiounskeess ze errechen, den Emploi bis 2046 tëscht 2,28% an 2,64% pro Joer misst wuessen. Wat sinn d'Pläng vum Minister, fir och den zukünftege Generatiounen eng Pensioun ze garantéieren, wëssend, datt d'Projektioune vu *McKinsey* drop hiweisen, datt de Wuesstem vum Emploi bis 2030 net de Seuil vun 2,28% erreche wäert?



www.piraten.lu

Mat déiwem Respekt,

A handwritten signature in black ink, consisting of a large, sweeping 'C' followed by a horizontal line and a small vertical tick mark.

CLEMENT Sven
Député



www.piraten.lu